

ministris, non sunt eleemosynæ, sed exsoluto debiti.

3. Digamia, quam vocant, hoc est, nuptiarum iteratio, in sacris literis non est prohibita, idcirco licita.

4. Etiam ministris Ecclesiæ licet contrahere matrimonia.

*DISPUTATIO XV.
DE JUSTIFICATIONE.
THESIS I.*

Ecclæsia discernit justos ab injustis, non lege operum, sed lege fidei, inquit Augustinus.

2. Doctrina enim de Justificatione hominis peccatoris coram Deo est Ecclesiæ propria: & est arx totius Christianismi.

3. Justitia Dei sine lege in Evāglio revelatur.

4. Evangelium est dīvinus nuncius ad omnes homines, de remissione peccatorum verā fide in Christum impetranda.

5. Quod est diligenter & exquisitè distinguendum à lege.

6. Quando Evangelium dicitur prædicatio pœnitentiæ & remissionis peccatorum: accipitur in lata significatione pro summa totius doctrinæ Christianæ.

7. Alia est justitia legis, alia Evangelii: respectu autem Christi est eadem. Quod enim lex flagitat & requirit, hoc Christus præstutit & exhibet.